

田比

集

卷一之卷六



毘陵集

賀孔才先生指贈

唐獨孤及撰 清初抄本

有無名氏校語，及胡茨村貝壩藏印。

唐常州刺史獨孤公文集叙

胡氏藏本

同德書局

劉

書

傳曰物生而後有象，而後有滋；

而後有數；成而文見矣。始自天地

終於草木，不能無文也。而况于人手

且夫日月星辰天之文也，丘陵隴川瀆

地之文也，羽毛彪炳鳥獸之文也，華

葉彩錯草木之文也，天無文，四時不

行矣。地無文，九州不別矣。鳥獸草木

之無文則混然而無名而人不能用
之矣人無文則禮無以辯其數樂無
以成其章有國者無以行其刑政立
言者無以存其勸誡文之時用大矣
哉在人賢者得其大者禮樂刑政勸
誠是也不肖者得其細者或附會小
說以立異端或彫斲成言以禪對句
或志近物以玩童心或順庸聲以諧

俚耳其甚者則矯誣盛德汙蟻風教
為蠱為土蠱為妖為孽噫文之弊有至是者

可無痛乎天后時廣漢陳子昂獨泝
隕波以趨清源自茲作者稍々而出
先大夫常因講文謂小子曰吾友蘭
陵蕭茂挺趙郡李遐叔長樂賈幼幾
洎所知河南獨孤至之皆憲章六藝
能探古人述作之旨賈為玄宗巡蜀

分命之詔歷々如西漢時文若使三
賢繼司王言或載史筆則典謨訓誥
誓命之書可彷彿于將來矣嗚呼三
公皆不處此地而連蹇多故惟獨孤
至之常州刺史享年亦促豈天之未
欲振斯文耶小子所不能知也已矣
常州諱及有遺文三百篇安定梁肅
編為上下帙凡二十卷作為後序常

州愛士而肅最為所重討論居多故
其為文之意肅能言之比葬博陵崔
昭孫又為神道碑悉載事行而痛其
不登論道之位崔公剛而好直其詞
不黨君子謂之知言昔班孟堅美漢
得人之盛曰文章則司馬遷相如又
曰劉向王褒以文章顯是則四君子
有漢之文雄歟然而迂無鄉曲之譽

虧大雅明哲保身之義相如薄於貞
操有滌器受金之累向無威儀遺文
以謬而身口謬幾于不免褒多為歌頌當
時議者以為媮靡不急其他無聞焉
大較詞人多陷輕躁否則便狹迂僻
于事放弛其能蹈履中道可為物立
者寡矣熟與常州發論措詞皆王霸
大畧孝悌之至達於神明善與人交
久而敬之當官正色不畏強禦加之
以仁惠愛物吏民敬鄉而文又如是
乎其餘則二君既言之矣余直錄崔
氏之作綴于篇末云爾

一本在前
朝議大夫前守處州刺史隴西李舟
述序

一本無

毘陵集總目

卷之一

賦一首

詩二十三首

卷之二

詩三十一首

卷之三

詩二十八首

唐 獨孤及

至之

Handwritten notes in cursive script, including characters like 賦, 詩, 卷, and 唐, likely providing commentary or a secondary index for the printed text.

卷之四

表十五篇

卷之五

表十二篇

書二首

卷之六

議九首

行狀二篇

卷之七

銘三首

頌一首

碑文二首

論一首

卷之八

頌二首

碑三篇

卷之九

碑銘五首

卷之十

靈表一篇

墓誌七篇

卷之十一

墓誌九首

卷之十二

墓誌十一首

卷之十三

集序三篇

讚六首

卷之十四

序二十二篇

卷之十五

序十五篇

卷之十六

序十四篇

卷之十七

記述十二首

卷之十八

策書四首

卷之十九

文十二篇

卷之二十

祭文九首

毘陵集卷一目

朝散大夫使持節常州諸軍事守常州刺史賜紫金魚袋獨孤及

賦

夢遠遊賦

詩

二十三首

壬辰歲過舊居

夏中訓于遯畢耀問病見贈

三月三日自京到華亭水亭獨酌寄

裴六薛八

海上寄蕭立

訓梁二十宋中所贈兼留別梁少府

有作

東平遂萊驛夜宴平盧楊判官醉後

贈別姚太守置酒留宴

觀海

雨後公超谷眺望寄高拾遺

丙戌正月出洛書懷

季冬自嵩山赴洛道中

代書寄裴六與劉二頰

客舍月下對酒寄畢四耀

庚子避地玉山訓韓司馬所贈

下弋陽江代書寄裴侍御

題思禪寺上方

早發若峴驛望廬山

癸卯赴南豐聞京師失守寄樵士繇

韓幼深

初晴抱琴登馬退山對酒望遠醉後

以書之

賈郎負外處見中書賈舍人巴陵詩

集覽之懷舊代書寄贈

寒夜溪行舟中作

江上代書寄裴使君

與韓侍御同尋李七舍人不遇題壁留贈

李張等數公並有送別之作見寄因題卷

皇甫閻權

毘陵集卷之一

胡氏藏本

景福堂藏

朝散大夫使持節常州諸軍事守

常州刺史賜紫金魚袋獨孤及

賦

夢遠遊賦

老氏稱吾所以有大患者為吾有身大哉聖

人之知微乎夫生者一氣之暫聚耳有天地

之和自然之力以運其行止節其夭壽非智

力之所能扶明矣而舉世矻矻莫不保其形

骸謂為己有執迷妄往而不返小者攘禮樂
竊忠信以賈譽大者盜天地之權至于忘身
道德之衰皆此物也余生于浮而長于妄汨
沒當世與群動俱智不能逃形于名聲之韁
鎖脫徒于冠冕之籠檻及其世界顛倒萬物
反覆始返照收觀以視身世然後知一生之
患假合豈直芻狗土苴熱燄聚沫而已則我
之身也與百憂偕長况重險之中乎思欲冲
三清出五濁乘凌虛極與造化者為伍莫

有由矣嘗中夜夢飛昇太空若有以名跡見
謂者覺而自失乃為賦以狀遠遊且旌悟道
之脫也其詞曰仰太素兮觀元氣精之烟煜孰
官司乎物物兮得流形而為人太皞遺我八
卦藏天地于文字黼而黻之為聖為智褒衣
之徒相與擊建鼓而揭日月兮奔孝慈而走
仁義其弊也古是而今非身賤而名貴駉驪
馭選兮道路屯雲而奔波絢煥轆轤兮玉帛
鐘鼓之駢羅霍燬兮心懸天地而火馳蒼黃

兮得未終也而失已繼之百骸與日月並走
五藏與哀樂交戰羲和未及弭轡榮枯紛而
萬變何生涯之倏倏兮蹇吾降此中州憑世
道以上下若涉水而津無兮與吹萬同其波流况
世緒塊軋兮如棼絲之相摻見辰極之低昂
兮知杞人之殷憂顧兔呀以蝕月兮天地閉
而雲愁鳳凰焚其故巢兮遠奮國以失倚埃
壘嶢以上薄兮虞羅紛其四周吾始未知夫
六合湫隘之若此孰與吾兮遠遊豈無太清

之路兮夫何漫漫而迢遞望帝鄉之低徊兮
微白雲與之偕遊澄予神遙夜與騷氣一作
浩氣期乎無垠真境沕穆以傍感精誠薰然
而來親歛乘夢以奮飛博至靈以上賓望見
碧落天地如掌洞開八門別有萬象亭亭物
外乘化直上身世雙遣獨與道往其他也泛
兮若遊魚振鱗而泳清川罔兮若胡雁得順
風而綠秋天忽不知誰之身天何為者深入
空界七耀在下問予津于混茫兮蹇倘祥以

延佇若有人兮縹緲指人間以唁予曰鳳
兮鳳兮何德之睽天固桎若以禮義桎若
以機事盍支離其德而起乎物累使逸翻
可得而籠樊兮孰云夫吾毛之自異天運
地載剛柔生焉千變萬化如環無端彼興
廢與往復同大壑之波瀾將盡歸根明徵其
源則吾與若皆幻也又奚睢盱于其間幻未
始有封物未始有壇成則虧進則傷無汨而
和無易而方山立其中央善汝行密汝藏道

將自光吾在大羅之上玄都之所乾坤為家
日月為宇噓吸元氣太虛之下音戶尚一乃
心勿謂道阻遊乎無窮吾願見汝奉真告以
自省兮五情怒其增執哀攀龍之無階兮思
過天之曷月未知去下方幾萬億兮退將返
遵吾歸轍修玉虛以下降濟銀漢以中歇憑
東井以俯視識故國之城闕千門萬戶遙如
蟻穴百川綺分五嶽羅列覓舊山與喬木絲
依希而明滅見伊川大道鞠為戎狄歷陽故

人半作魚鱉曩之奔命於市朝者如紛紜飛
馳講講啞啞蹙蹙躡躡肖翹陸離若飢虱之
聚壞絮蜘蛛之乘遊絲吾乃今日識羣動之
變態兮茫然倚長空而笑之亦既自得周覽
未畢惕焉神開萬象如失群有儼以偕作百
慮續其來歸乃夙昔之人寰始故時之喧卑
向之俯仰欣戚無非妄者然後知吾之生也
與妄生邪氣乘之萬緣合并為憂為患為虧
為盈彼君子兮方碌碌然自以為覺猶飾妄

以賈名安知聖人不以世界為重控死生為
大夢視變化與品類亦猶神交飛動與遺物
以顧身兮懷生浮而質陋以一氣之倏忽與
萬化而紛糅自視戢然寄形宇宙尚何能濡
首與榮辱之境其心于哀樂之囿鷓鷯于飛
載翩載翻君子至止栖息化元獨立道樞貽
神胚渾萬物轉薄吾真長存止水不波浮雲
無根與時盈虛委質乾坤倚伏相軋吉凶同
源物各有爾予欲無言優哉游哉亦聊以窮

年

詩上

二十三首

壬辰歲過舊居

少年事遠遊出入燕與秦離居歲周天猶作勞

歌人負劍度潁水歸馬自知津緣源到舊房

攬涕尋荒榛一本作藪隣里喜相勞壺觴展

慇勤酒闌擊筑語及此離會因丈夫隨世波

豈料百年身今日負我一本作鄙願多慙故

山春

夏中訓于逖畢耀問病見贈

救物智所昧學仙願未從行藏兩乖角蹭蹬

風波中薄官耻降志卧病非養蒙閉關涉兩

旬羈思浩無窮鸞鷲何處來隻舞下碧空離

別隔雲雨惠然此相逢把手賀疾間舉杯欣

酒濃新詩見久要清論激深衷高館舒夜簟

開門延微風火雲赫嵯峨日暮千萬峯遙指

故山笑相看撫號鐘聲和由心親事感知氣

洞出處未易料且歌緩愁容願君崇明德歲

暮如青松

三月三日自京到華陰水亭獨酌寄裴

六薛八

祇役匪遑息經時客三秦還家問節候知到
上巳辰山縣何所有高城閉青春和風不吾
欺桃杏滿四隣舊友適遠別誰當接歡欣呼
兒命長瓢獨酌湘吳醇一酌一朗詠既酣竟
亦申言筌斲兩忘霞月祇相新裴子塵表物
薛侯席上珍寄書二傲吏何日同車茵詎肯

使空名終然羈此身他年解桎梏長作海上

人

海上寄蕭立

朔風剪塞草寒露日夜結行行到瀛壖歸思
生暮節驛樓見萬里延首望遼碣遠海入大
荒平蕪際窮髮舊國在夢想故人胡且越契
濶阻風期荏苒成兩別海西望京口兩地各
天末索居動經秋再笑知曷月日南望中盡
唯見飛鳥滅音塵未易得何由慰饑渴

訓梁二十宋中所贈兼留別梁少府

少讀黃帝書肯不笑机事意猶負深衷未免
名跡累厭貧學干祿欲徇賓王利甘為風波
人豈復江海意擔簦平臺下是日飲羈思逢
君道寸心暫喜一交臂緒言未及竟離念已
復至甯陵望南丘雲雨成兩地途殊迹方間
河廣流且駛暮帆望不及覽贈心欲竟一本
作醉愛君如金錫昆弟皆茂異奕赫連絲衣
榮養能錫類君子道未長深藏青雲器巨鱗

有縱時今日不足議唯當加餐飯好我袖中
字別離動經年莫道分首場

東平蓬萊驛夜宴平盧楊判官醉後贈

別姚太守置酒留宴

驛樓漲海壖秋月寒城邊相見自不足况逢
主人賢夜清酒濃人如玉一斗何啻直十千
木蘭為樽金為杯江南急管盧女絃齊童如
花解郢曲起舞激楚歌採蓮固知別多相逢
少樂極哀至心嬋娟少留莫辭醉前路方悠

然明日分飛倘相憶
祇應遙望一本作遠望
西南天曲試無與
地觀海金谷林
北登渤澥島
迴首秦東門
誰尸造物功
鑿此天地源
瀕洞吞百谷
周流無四垠
廓然混茫際
望見天地根
白日自中吐
扶桑如何捫
超遙蓬萊峯
想像金臺存
秦帝昔經此
登臨翼飛翻
揚旌百神會
望日群山奔
徐福竟何成
羨門徒空言
唯見石橋足
千年潮水痕

雨後公超谷北原眺望寄高拾遺

崖口雨足收清光
洗高天虹蜺歛殘霽
山水含碧蘚
遠空霞破露月輪
薄雲片片成魚鱗
五陵如薺渭如帶
日極千里關山春
朝來爽氣未易說
盡取花峯寄遠人

丙戌歲正月出洛陽書懷

往歲衣褐見受服
金馬門擬將忠與貞
來酬主人恩
天地暫雷雨
洪波生平原
窮鱗遂蹭蹬
風昔事罕存
幸逢帝出震
授鉞清東藩
白

日忽再中萬方咸駿奔王風從西來春光滿
乾坤蟄虫競飛動余亦亂籠樊遭遇思自強
寵辱安足言惟將四方志迴首謝故園

季冬自嵩山赴洛道中作

皇運偶中變長蛇食東土天蓋西北傾衆星
殞如雨胡塵動地起千里聞戰鼓死人成為
阜流血塗草莽策馬何紛紛捐軀抗豺虎甘
心赴國難誰謂荼荼若天子初受命省方造
區宇斬鯨安溟波截鼉作天柱三微復正統

五玉歸文祖不圖漢官儀今日忽再覩升高
混京邑佳氣連海浦寶鼎歎景雲明堂舞干
羽虎臣激昂

禦侮腐儒着絳掖何

處議鄒魯西上輟轅山丘陵橫今古和風蒸
萬物膺月春靄吐得為太平人窮達不足數
他日遇封禪著書繼三五

代書寄裴六與劉二頰

昔余馬首東君在海北汭音入聲盡屏簿領
書相與議岩穴載來詣佳境每山有車轍長

嘯林木動高歌唾壺缺此辭月未周虜馬嘶
絳闕猛虎踞大道九州當中裂聞君棄孤城
猶自握漢節耻棲惡木影忍與故山別脫寫
掛嶺雲罔然若鳥逝聲惟留潺湲水分付
練溪月尔来大谷梨花再成雪閔梁限天
險歡樂竟兩絕大盜近盡削平三川今底寧勾
芒布春令屏翳收雷霆伊洛日夜漲鳴皋蘭
杜青騫騫兩黃鵠何處遊青冥疇昔切玉刃
應如新發硎及時當樹勳高懸景鐘銘莫抱

白雲意徑往丹丘庭功成倘長挹然後謀滄
溟

客舍月下對酒醉後寄畢四耀

鄉路風雪深生事憂患迫天長波瀾廣高舉
無六翮獨立寒夜移幽境思彌積霜月照胆
淨銀河入簷白沽酒聊自勞開罇坐簷隙主
人奏絲桐能使高興劇清機漸無一作斲無
累獻醉更絡驛慷慨葛天歌悵悵廣陵陌既
醉萬事遺耳熱心亦適視身兀如泥瞪目傲

今昔故人間城闕音信兩脉脉別時前盟在
寸景莫自擲先是畢有詩心與白日開十無
一滿百寓形薪火內甘作天地客與物無親
踈斗酒勝竹帛何必用自苦一本作勞將貽
古賢責

在註畢有詩贈及詩云洪鑪無火停日月速若

飛忽然銜人身飲酒不須疑

庚子歲避地至玉山訓韓司馬所贈

滄海疾風起洪波駭恬鱗已無濟川分甘作

乘桴人揮手謝秣陵舉帆指甌閩安知風塵

表偶與瓊瑤親共悲行路難况逢江南春故

園如忽在如壺本作憶夢返復如何辰曠野豺虎

滿深山蘭蕙新枉君灞陵什迴首徒酸一本

作悲辛

下弋陽江舟中代書寄裴侍御

故鄉隔西日去水連長天前路知幾許但指

天南邊愴恨極浦外隱映青山連東風滿帆

來五兩如弓弦遙羨繡衣客周然馬首先得

食武昌魚不顧潯陽田屈指數別日忽乎成
兩年百花已滿眼春草漸碧鮮豈是離居時
奈何于役牽洞庭有深涉曷日期歸旋且作
異鄉料詎知携手綠離憂未易銷莫道罇酒
賢

題思禪寺上方

溪口聞法鼓停橈登翠屏攀雲到金界合掌
開禪扃鬱律衆山抱空濛花雨零老僧指香
樓云是不死庭眇眇于越路茫茫春草青遠

山噴百谷繞繚馳東暝目極道何在境照心
亦冥騷然諸根空破結如破瓶下視三界狹
但聞五濁腥山中有良藥吾欲隳天形

早發若峴驛望廬山

雨罷山翠鮮冷冷東風好斷崖雲出處是向
峯頂道誰謂峯頂遠跋予可瞻討忘緣祛天
機脫屣恨不早抵恐歲云暮遂與空名老心
往跡未并慙媿山上草

癸卯歲赴南豐道中聞京師失守寄權

士繇韓幼深

種田不遇歲菜名不遭時胡塵晦落日西望
泣路歧猛虎嘯北風麝麇皆載馳深泥駕疲
牛蹇踣余何之詰屈白道轉繚繞清溪隨荒
谷嘯山鬼深林啼子規長歎指故山三奏歸
來詞不逢眼中人調苦車倭遲士繇松筠操
幼深瓊樹姿別來平安否何階一申眉白雲
失帝鄉遠水限天涯昂藏雙威鳳曷月還兩
枝努力愛華髮盛年振羽儀但令延難康不

負滄洲期莫作新亭泣徒使夷吾嗤

初晴抱琴登馬退山對酒望遠醉後有

作

年長心易感况為憂患纏壯圖迫世故行止
兩茫然王旅方伐叛虎臣皆被堅魯人著儒
服甘就南山田挈榼上高磴超遙望平川滄
江大如縑隱映入遠天荒服何所有山花雪
中燃寒泉得日景吐雷鳴湔湔舉酒勸白雲
唱歌慰頽年微風度竹來韻我號鍾絃一彈

一引滿耳熱知心宣曲終余亦酣起舞山水
前人生幾何時大半百憂煎今日羈愁破始
知濁酒賢

賈負外處見中書賈舍人已陵詩集覽
之懷舊代書寄贈

海岸望青瑣雲長天漫漫十年不一展知有
關山難適逢阮始平立馬問平安取公詠懷
詩示我江海瀾暫若窺武庫森然矛戟寒眼
明遺頭風心悅忘朝餐一本作食大駕今返

正熊羆扈鳴銜公遊鳳凰沼猷可在筆端繫
越有長纓封閔祗一丸罔然翔寥廓仰望慙
羽翰嘉會不我與相思歲云殫唯當袖佳句
持此青琅玕

寒夜溪行舟中作

日沉諸山昏寂歷羣動宿孤舟獨不繫風水
夜相逐雲歸恒星白霜下天地肅月輪大如
盤金波入空谷魏闕萬里道羈念千慮束倦
飛思故巢敢望梧與竹沉吟登樓賦中夜起

三復憂來無良方歸候春酒熟

江上代書寄裴使君

何地離念劇江臯風雪時艱難傷遠道老大
怯前期疇昔行藏計祇將力命推能令書信
數猶足緩相思

與韓侍御同尋李七舍人不遇留壁題

贈

三徑何寂寂主人山上山亭空簷月在水落
釣磯閑藥院鷄犬靜酒壚苔蘚班知君少機

事當待暮雲還

李張皇甫閻權等數公並有送別之作

見寄因答

洞庭正波蘋葉衰豈是秦吳遠別時謝君篋
中綺端贈何以報之長相思

昆陵集卷之二

中微誠體以辨之身跡思
所至五女前業象吳秦吳盡休部勝喜甚

長安日卷

李斯皇雨儲蘇管樓公並前送國之
南音新喜雲還

昆陵集卷二目

唐之獨孤及

至之

詩中三十一首

送陳兼應辟兼寄高適賈至

早發龍沮館舟中寄東海徐司倉鄭

司戶

海上懷華中舊遊寄鄭縣劉少府造

山渭南王少府崧

將還越留別豫章諸公

二卷

目一

雜詩

山中春思

傷春懷歸

九月九日李蘇州東樓宴

李卿東池夜宴得池字

將赴京谷李紆贈別

江寧訓鄭縣劉少府贈別

送魏州王錄事之任

送長孫將軍拜歙州之任

送何員外使湖南

送江陵全少卿赴任

送虞秀才擢第歸長沙

送陽翟張主簿之任

送李賓客荆南迎親

訓常郡縣見贈

送游負外赴淮西

送馬鄭州

蕭文學山池宴集

送別荆南張判官

送義烏帝明府

送相里郎中赴江西

和虞部韋郎中尋楊駙馬不遇

和贈遠

和題藤架

官渡柳歌送李負外承恩往揚州覲

省篇

同岑郎中屯田韋負外花樹歌

和^奉李尚書畫射虎圖歌

毘陵集卷之二

朝散大夫使持節常州諸軍事守

常州刺史賜紫金魚袋獨孤及

詩

送陳兼應辟兼寄高適賈至

結綠處燕石卞和不必知所以王佐才未能

忘茅茨罷官梁山外穫稻楚水湄適會傳岩

人虛舟濟川時天網忽搖頓公才難棄遺鳳

皇翔千仞今始一鳴岐上馬指國門舉鞭謝

書帷預知大人賦掩却歸來詞天子方在宥
朝廷張四維料君能獻可努力副疇咨舊友
蒲皇州高冠飛翠蕤相逢絳闕下應道軒車
逢高候秉戎翰策馬覲西夷方從幕中事叅
謀王者師賈生去洛陽焜耀琳琅姿芳名動
北步逸韻凌南皮肅肅舉鴻毛泠然順風吹
波流有同異由是限別離漢塞隔隴底秦川
連鎬池白雲日夜滿道里安可思夢想浩盈
積物萃愁變衰因君附錯刀送遠益悽其四

海各橫絕九霄應易期不知故巢燕決起搏
何枝

早發龍沮館舟中寄東海徐司倉鄭司

戶

沙禽相呼曙色分漁浦鳴榔十里聞正當秋
風度楚水况值遠道傷離羣津頭却望後湖
岸別處已隔東山雲停艫目送北歸翼惜無
瑤華持寄君

海上懷華中舊遊寄鄭縣劉少府造渭

南王少府峯

涼風臺上三峯月 王任鄭縣日于城角集小
臺號涼風臺每與數公置酒登臨望二華雲
月不夜城邊萬里沙離別莫言關塞遠夢魂
長在子真家

將還越留別豫章諸公

客鳥倦飛思舊林徘徊猶戀衆花陰他時相
憶雙航葦莫問吳江深不深

雜詩

日花結成子春物捨我去流年惜不得獨坐
空閨暮心自有所待甘為物華悞未必千黃
金買得人一顧

山中春思

懶祭川水大人家春日長獨謔晝不暮搔首
慚年芳靡草知節換含葩向新陽不嫌三徑
深為我生池塘亭午井甃閑雀聲响空倉花
落沒屐齒風動群木香歸路雲水外天涯杳
茫茫獨卷萬里心深入山鳥芳景勿相迫春

愁未遽忘

傷春懷歸

誰謂鄉可望望在天地涯
但有時命同萬里
共歲華昨夜南山雨
殷雷折萌芽
源桃不余欺
先發秦人家
寂寂戶外掩
遲遲春日斜
源桃默無言
秦人獨長嗟
不惜中腸苦
但言會合賒
思歸吾誰訴
笑向南枝花

九月九日李蘇州東樓宴

是菊花開日
當君乘興秋風前
孟嘉帽月下

庾公樓酒解
留征客
歌能破別愁
醉歸無以贈
祇奉萬年訓

李卿東池夜宴得池字

政成機不擾
心愜宴忘疲
去燭延高月
傾壘就小池
舞盤迴雪動
絃奏躍魚隨
自是山公興
誰令下士知

將赴京答李紆贈別

膠漆常投分
荆蠻各倦遊
帝鄉今獨住
溝水便分流
甘作遠行客
深慚不繫舟
思君帶將

緩豈直日三秋

江寧訓鄭縣劉少府兄贈別作

往年脫縫掖接武仕關西結綬腰章並趨階
手板齊仙山不用買朋酒日相携抵掌誇潭
壑忘情向組珪事迂時既往年長迹逾睽何
為青雲器猶嗟濁水泥役牽方遠別道在或
先迷莫見良田晚遭時亦杖藜

送魏州王錄事之任

謂子文章達當年羽翼高一經俄白首三命

尚青袍未遇須藏器安卑莫告勞盤根倘相
值試用發劓刀

送長孫將軍拜歙州之任

臨難敢橫行遭時取盛名五兵常典校四十
又專城浪逐樓船破風從虎竹生島夷今可
料繫頸有長纓

送何員外使湖南

夙昔皆黃綬差池復瑣闥上田無晚熟逸翮
果先飛前路舟休繫故山雲不歸王程倘未

復莫遣鯉魚稀

送江陵全少卿府赴任

冢司方春選劇縣得英髦固是攀雲漸何嗟
趨府勞楚山迎驛路漢水漲秋濤
騫翥方茲始看君六翮高

送虞秀才擢第歸長沙

充賦名今遂安親事不違甲科文比玉歸路
錦為衣海運同鯤化風帆若鳥飛知君到三
逕松菊有光輝

送陽翟張主簿之任

舊聞陽翟縣西接鳳高山作吏同山隱知君
隱處劇閑少年當効用遠道豈辭艱遲子揚名
後方期綵服還

送李賓客荆南迎親

宗室劉中壘文場謝客兕當為天北斗曾使
海西陸毛節精誠著銅樓羽翼施還申供帳
別言赴倚門期恩渥霑行李晨昏在路歧君
親兩報遂不敢議傷離

訓常郡縣見贈

愛君修政若修身，鰥寡來歸乳雉馴。
堂上五絃銷暇日，邑中千室有陽春。
謂乘鳧舄朝天子，却媿猪肝累主人。
辭後讀君懷作縣，定知三歲字猶新。

送游負外赴淮西

多君有奇畧，投筆佐元戎。
已佩郎官印，兼乘御史驄。
使星隨驛騎，歸路有秋風。
莫遣無書札，他年懷袖空。

送馬鄭州

使君朱兩轡，春日整東轅。
芳草成臯路，青山涼水源。
勉修循吏跡，以謝主人恩。
當使仁風動，遙聽輿頌誼。

蕭文學山池宴

檀栾千畝綠，知是辟疆園。
遠岫當庭戶，諸花覆水源。
主人邀盡醉，林鳥助狂言。
莫問愁多少，今皆付酒樽。

送別荆南張判官

輜車駱馬往從誰
夢浦蘭臺日更遲
欲識桃花最多處
前程問取武陵兒

送義烏韋明府

妙年能致身陳力
復安親不憚閑山
遠寧辭簿領勤過
江雲滿路到縣海
為隣每歎違心賞
吳門正早春

送相里郎中赴江西

君把一尺詔南游
濟滄浪受恩忘險
艱不道歧路長戎
狄方構患休牛殊
未遲三秦千倉

空戰卒如餓狼委
輸資外府諏謀寄
賢良有才當陳力
安得遂翱翔豈不
慎井賦賦均人亦
康遙知軒車到萬
室安耕桑火伏金
氣騰昊天歆滄茫
寒蟬慘巴鄧秋色
愁沅湘昨日攜手
西於今芸再黃歡
娛詎幾許復向天
一方躡躅語世故
惆悵舉離觴共求
數刻歡戲謔君此
堂今日把手笑少
時各他神身名同
風波聚散未易量
曷月還朝天及時
開智囊前期倘猶
濶加飯勉自強

和虞部韋郎中尋楊駙馬不遇

金屋瓊臺蕭史家暮春三月渭州花到君仙
洞不相見謂已吹簫乘早霞

和贈遠

憶得去年春風至中庭桃李暎瑣窻美人挾
瑟對芳樹玉顏亭亭與花雙今年新花如舊
時去年美人不在茲借問離居恨深淺祇應
獨有庭花知

和題藤架

萼萼葉成幄璀璨花
落架花前離心告愁至
無日夜人去藤花千里強
藤花無主為誰芳
相思歷亂何由盡春日
迢迢如線長

官渡柳歌送李負外承恩往揚州覲省

篇

君不見官渡河兩岸三月楊柳枝千條萬條
色勝綠絲花作鉛粉絮葉成翠羽帳此時送
遠人帳望春水上遠客折楊柳依依兩含情
夾郎木蘭舟送郎千里行手把紫泥書東征覲

庭闈脫却貂襜褕新着五銖衣雙鳳并兩翅
將雛東南飛五兩得便風幾日到揚州莫貪
揚州好客行剝淹留卽到官渡頭春闌已應
久殷勤道遠別為謝夫堤柳攀條倘相憶五
里一迴首明年柳枝黃問卽還家否

同岑卽中屯田韋負外花樹歌

東風動地吹花發渭城桃李千樹雪芳菲可
愛不可留武陵歸客心欲絕金華省卽惜佳
辰祇將棣萼照青春君家自是成蹊處况有

庭花作主人

和李尚書畫射虎圖歌

飢虎呀呀立當路萬夫震恐百獸怒彤弓金
鏃當者誰鳴鞭飛控流星馳居然畫中見真
態若務除惡不顧私時和年豐五兵已白額
未誅壯士耻分銖遠邇懸轂中不中不發思
全功捨矢如破石可裂應絃盡敵山為空殺
氣蒲堂覲者駭蠅若崖谷生長風精微入神
在毫末作續造物何同功方叔秉鉞受命新

丹青起予氣，並振庠綏。靜難功可擬，嗟嘆不足聲。成文他時代，天育萬物亦以此。道安斯民。

毘陵集卷之二

毘陵集卷三日

詩下二十八首

唐 獨孤及 至之

代書寄上李廣州

自東都還濠州奉訓王八諫議

訓皇甫侍御望天瀟山見示之作

垂花塢醉後戲題賦得俱字韵并序

一篇

登山谷寺上方峇皇甫侍御卧病闕

陪車騎之驟

詣開悟禪師問心法次第寄韓郎中

喜辱韓十四郎中書兼封近詩示代

書題贈

同皇甫侍御齋中春望見示

答李滁州庭前石竹花見寄

暮春山谷寺上方遇恩命加官賜服

訓皇甫侍御見賀之作

和張大夫秋日有懷呈院中諸公

和張大夫秋夜書情即事

傷春贈遠

送張長史還京

答皇甫十^{侍御}北歸留別

得柳負外書封寄近詩書中兼報新

登主行營兵馬因代書戲答

同徐侍郎五雲溪新庭重陽宴^集即事

有作

三卷

目二

無此目

和中書常舍人晚秋集賢院即事寄

贈徐薛二侍郎

登後湖亭傷春懷舊京師故舊

前年春與獨孤常州兄花時為別倏

已三年矣今鶯花又爾觀物傷懷

因之抒情聊以奉寄時蒙溪幽居

在義興益增懷想

答李滁州見寄

水西館泛舟送王負外

得李滁州書以玉潭莊見託因書春思以詩代答

題玉潭

答李滁州見寄

憶玉潭新居
同呂評事太行

和李夫夫若熱行兼寄院中諸公

雨晴得溪字後陪王負外泛後湖

陪王負外待月北樓

毘陵集卷之三

朝散大夫使持節常州諸軍事守
常州刺史賜紫金魚袋獨孤及

代書寄上李廣州

峴水望番禺迢迢青天末鴻雁飛不到音塵
何由達獨有輿人歌隔雲聲誼聒皆稱府君
仁百越賴全活推誠魚鱉信持正魑魅怛瘞
民飽中和性足無天闕天子咨四岳佇公濟

方割幾時復旋歸入踐青瑣闥賤子托明德
繚若松上葛別離鄙悵生結念思所豁門欄
關山阻歧路天地濶惟憑萬里書持用慰飢
渴

自東都還濠州奉酬王八諫議見贈

關西仕時俱稚容彪彪之鬢始相逢天地變
化縣城改天寶中及尉華陰鄭縣別後經祿
山之亂鄭縣殘毀城移于州西獨有故人交
態在不言會合跡未屏猶以歲寒心相待洛

陽居守寄鄭侯君着貂冠叅運籌高閣連雲
騎省夜新文會友涼風秋青袍白面昔携手
冉冉府趨君記否雲分雨散十五年始得一
啖樽酒前未遑少留驟遠別况值旅雁鳴秋
天二華舊遊如夢想他時再會何由緣賴君
贈我郢中曲別後相思被管絃

訓皇甫侍御望天瀟山見示之作

早歲慕五岳嘗為塵機礙孰知天柱峯今與
群齋對隱嶙抱元氣氤氳含青靄雲崖媚遠

空石壁寒古塞漢皇南遊日望秩此昭配法
駕到谷口禮容振荒外焚柴百神趨執玉萬
方會天旋物順動德布澤霽霈講武威已耀
學仙未艾黃金竟何成洪業竟淪昧度世若
一瞬昨朝已千載如今封禪壇惟見雲雨晦
長望哀徃古勞生慚大塊清暉幸相娛幽獨
知所賴寒城春方正初日明可愛萬殊喜
陽和余亦荷時泰山色日夜綠下有清淺瀨
媿作拳樓人沉速簿書內登臨嘆拘限出處

悲老大况聽郢中曲復識湘南態思免物累
牽敢令道機退瞞然誦佳句持此秋蘭佩

小字

垂花塢醉後戲題賦得俱字韵并序一

篇

莊周臺南十許步有丘一成上有膠
藤垂花而蔓草荒之且隔大溝路不
可涉道士張太和伐薪為堰封土以
壅澮余亦命薙民治蕪穢而剡宿莽
遂闢為登賦之位位廣二席席間足

以函罇酒二盞三月戊子及群英由
堰而升焉諸花倒垂下拂杯案紫葩
縞綻如釵如旒衆君子瞻弄之不足
故秉燭進酒以繼落日欲稱醉而不
能也因命其地曰垂花塢堰曰綠花
堰亦飾之以詩云

紫蔓青條覆酒壺落花時與竹風俱歸時自
負花前醉笑向儵魚問樂魚

登山谷寺上方谷皇甫侍御卧疾闕陪

車騎之後

梵宮香閣攀霞上天柱孤峯指掌看漢主馬
蹤成蔓草寺中間石上有竅穴古老相傳云
漢武帝馬跡法王身相示空棺禪門第三祖
璿大師遺塔如此坊天寶中別駕李常開棺
取金身荼毘收舍利重起塔供養雲扶躡塔

青霄庫皮寄反松蔭禪庭白日寒不見戴逵

心莫展賴將新贈比琅玕

詣開悟禪師問心法次第寄韓郎中

障深聞道晚根鈍出塵難濁劫相從慣迷途
自謂安得知身垢妄始喜額珠完欲識真如
體君嘗法味看

喜辱韓十四郎中書兼封近詩見代書

題贈

各牽于役間遊遨獨坐相思正鬱陶長跪讀
書心慙緩短章投我曲何高宦情緣木知非
願王事敦丁回反人敢告勞所嘆在官城遠
別徒言沅水纜去聲容舫

同皇甫侍御齋中春望見示之作

望遠思歸心易傷况將衰髮偶年光時攀芳
樹愁花盡晝掩高齋厭日長甘比流波辭舊
浦忍看新草遍橫塘因君贈我江楓詠春思
如今未易量

答李滁州題庭前石竹花見寄

殷烏閑反凝曙霞染巧類匣刀裁不怕南風
熱能迎小暑開遊蜂怜色好思婦感年催覽
贈添離恨愁腸日幾迴

暮春于山谷寺上方遇恩命加官賜服
訓皇甫侍御見賀之作
天書到法堂朽質被榮光自咲無功德殊恩
繆激揚還登建禮署猶忝會稽章佳句慚相
及称仁豈易當

和張大夫秋日有懷呈院中諸公

至公無假日高閣閉秋天肘印拘王事籬花
思長年績成心不有慮淡物猶牽窈効泉魚
躍日聞郢曲妍

和大夫秋夜書情即事

上畧當分閫高情善閉關忘機群動息無戰
五兵閑鈴閣風傳漏書窻月滿山方知秋興
作非惜二毛班

傷春贈遠

去水流年日並馳年光客思兩相隨咨嗟班
鬢今承弁慙媿新荷又發池楊柳逶迤愁遠
道鷓鴣啁哳怨南枝憶君何啻同瓊樹但向
春風送別離

送陳王府張長史還京

論齒弟兄列為官邦前後差十年方一見此別
復何嗟極目故關道傷心南浦花少時相憶
處招手望行車

荅皇甫十六侍御北歸留別作

正當楚客傷春地豈是騷人道別時俱狗空
名嗟欲老况將行役料前期勞生多故應同
病羸馬單車莫自悲明日相望隔雲水解顏
惟有袖中詩

得柳負外書封寄近詩書中兼報新主

行營兵馬因代書戲荅

即官作掾心非好儒服臨戎政已聞說劔嘗
宗漆園吏戒嚴應笑棘門軍遙知抵掌論皇
道時復吟詩向白雲百越待君言即叙相思
不敢愴離群

同徐侍郎五雲溪新庭重陽宴集作

萬峯蒼翠色雙溪清淺流已符東山趣况值
江南秋白露天地肅黃花門館幽山公惜美景

肯為芳樽留五馬照池塘繁絃催獻酬臨風
孟嘉帽乘興李膺舟騁望傲千古當歌遺四
愁豈全永和人獨擅山陰遊

奉和中書常舍人晚秋集賢院卽事寄
贈徐薛二侍郎

漢家金馬署帝座紫微卽圖籍凌羣玉歌詩
冠栢梁陰：萬年樹肅：五經堂揮翰忘朝
食研精待夕陽晴空露盤迥秋月瑣窻涼遠
興生班髮高情寄縹囊歲蕤瓌鸞鷲夙昔並

翱翔汲冢同刻謬蓬山共補亡差池摧羽翮
流落限江湘禁省一分袂旻天三雨霜石渠
遺跡滿水國暮雲長早晚朝宣室歸時道路
光

登後湖亭傷春懷京師故舊

昨日看搖落驚秋方怨咨幾經開口笑復及
看去聲花時世事空名束生涯素髮知山山
春草滿何處不相思

前年春與獨孤常州兄花時為別倏已

三年矣今鶯花又爾觀物增壞因之
抒情聊以奉寄時蒙溪函居在義興
益增懷想想 李幼卿

近日霜毛一番新別時芳草兩迴春不堪花
落花開處况是江南江北人薄宦龍鐘心懶
慢故山寥落水齋淪綠君愛我疵瑕少願竊
仁風寄老身

答李滁州見寄

相逢遽嘆別離牽三見江臯蕙草鮮白髮俱

生歡未再滄洲獨往意何堅愁看郡內花將
歇忍過山中月屢圓終日望君休汝騎媿無
堪報起予篇

水西館泛舟送王負外

單醪敢獻醉曲沼荷經過沈覽親魚鳥寅緣
涉芰荷劇談增惠愛美景借清和明日汀洲
草依依奈別何

樓得李滁州書以玉潭庄見託因書春思

春思以詩代答

春物行將老懷君意詎堪朱顏因酒強白髮
對花慙日日思瓊樹書書話玉潭知同百口
累曷日辨抽簪

題玉潭

碧玉徒強名冰壺難比德唯當寂照心可並
齋淪色

答李滁州憶玉潭新居見寄

從來招隱地未有剖符人山水能成癖巢夷
擬獨親猪肝無足累馬首敢辭勤掃洒潭中

月他時望德隣

奉和李大夫同呂評事太行苦熱行兼
寄院中諸公

駟馬上太行修途亘遼碣王程無留駕日昊
未遑歇請問此何時恢台朱明月長蛇稽天
討上將方北伐明主命使臣皇華得時傑已
忘羊腸險豈憚溫風熱搖策汗滂滄登崖思
紆結炎雲如烟火溪谷將恐竭晝景赭可畏
涼飈何由發山長飛鳥墮目極行車絕趙魏

方傲擾安危俟明哲歸路豈不懷飲冰有苦
節會同傳檄至疑議立談決况有阮元瑜翩
翩秉書劄起予敬赤坂永好踰白雪誰念剖
竹人無因執羈紲

雨晴後陪王負外泛後湖得溪字
遠山媚平楚宿雨漲清溪
沂在舟檝歡言無町畦
酒酣相視笑心與白鷗齊

陪王負外北樓宴待月

勸酒論心夜不疲
含情有待問誰思
佇看晴

月澄澄影來照江樓
酌酌時

毘陵集卷之三

毘陵集卷四目

表上

代文武百官賀芝草表

賀擒周智光表 代宗永泰二年

賀表修破賊表

請降誕日置天興節表

賀櫟陽縣醴泉表

賀太陽當虧不虧表

唐 獨孤及

至之

賀潞州芝草嘉禾表

諫表

為李洽事讓起復尚書左丞兼御史

大夫第二表六首

第三表

第四表

第五表

第六表

第七表

為譙郡唐太守賀赦表
為張濠州謝上表

毘陵集卷之四

朝散大夫使持節常州諸軍事守
常州刺史賜紫金魚袋獨孤及

表

代文武百官賀芝草表

臣某言臣等伏見開府儀同三司魚朝恩奏
含暉院及白華亭院內並芝草生者臣等謹
披圖按謀竊考前志蓋王者以道泣天下而
德及庶物則有神木靈草儲祥効異陛下賢

聖恭儉慈仁愛人開闡學校尊教勸德將以
五經根本庶政風化所浹人神以和和氣傍
感蒸而為瑞不然豈靈芝菌蠢異處同植不
產他宇必于宸居曄曄九葩之蓋煌煌三秀
之質蓋表陛下之欽明光宅以人文成化靈
根碩茂萬丕葉無疆神應炳然天意如答臣
等獲忝朝列幸覩禎祥臣無任

嘉慶之至

賀擣周智光表

代宗

永泰二年

臣等言臣聞征而無戰王者之師也將而必

誅春秋之義也臣伏見周智光傲狠頑虐昏
迷猖狂敢專生殺之威以慢王度崇飾奸慝
之志自干天誅陛下謂罪在已躬視人如子
永言式遏之義不得已而用師而將纔受鉞
兵未血刃已梟元惡之首載安舊汚之俗昔
漢征黠布望陣而憂殷伐鬼方積年乃克豈
若陛下朝命將帥夕殲渠魁制勝神速從古
未有也臣等無任慶快之至

賀表修破賊表

代宗

寶應二年

臣某等言臣等伏見河南副元帥行軍司馬太子右庶子兼御史中丞袁倬露布奏今年五月十七日破石埭城賊方清并降烏石山賊陳疰等徒黨二萬五千五百人者臣聞聖人之生不能使大盜不起故唐虞之代時則有三苗之師奸宄草竊為患奮矣山賊方清等蕞爾狂狡敢干天誅聚推剽之徒謂險遠可恃作為蛇豕以荐食勾吳乃有跨據大江吞噬東土之計七州之地人罷耕織百姓業

業全活無所陛下方銳志于偃武不得已而用兵乃命將受畧使先勝後戰故倬等役不再舉而師有成績巢窟皆傾俾無遺類詿誤之輦得返故業汙俗更始流人汔康此三代之舉也非陛下齊聖格天文思柔遠豈能底綏盜亂如此其速臣等幸覩成功不勝大慶臣無任抃躍之至云云

請降誕日置天興節表

臣某等言臣聞天有春秋冬夏之氣時也特有

分至啓閉之候節也至若寒食上巳端午重
陽或因人崇尚亦播為風俗况曆運光啓聖
人降生固宜紀載震之辰與八節同號故玄
宗生日命曰天長節肅宗生日命曰天平地
成節並以飲食宴樂布慶萬方使賜及同軌
風流後代陛下纂祖宗純懿與天地同德禮
樂克修憲章咸備而誕聖之日未有嘉名將
何以表出震之期慶流虹之瑞率土延企思
扇奮風是以臣等顛顛不勝大願願以十月

十三日為天興節其王公士庶上壽作樂悉
如開元乾元故事上以殷薦崇先天不違之
德下以布澤錫萬代無疆之休使知社鳴河
清寶在茲日臣無任

賀櫟陽縣醴泉表

臣等言伏見京兆尹李勉奏櫟陽縣陽有醴
泉湧出飲之者痼疾皆愈臣聞王者澤周庶
類則神降百祥天地之心去人不遠陛下厚
德載物與坤同符以善利人如水潤下故后

土獻瑞湧泉療疾靈源酌而不竭沉痾飲而
皆痊勿藥之喜萬人是賴仰窺天意豈不以
是彰陛下之德施乎不然何衆庶喁喁強名
聖水彼丹井朱草白麟赤雁徒稱太平之瑞
未聞功施于人方之聖泉豈喻神異臣等無
任喜瓊之至

賀太陽當虧不虧表

臣某等言伏見今月一日雲物陰晦太陽當
虧不虧者臣聞殷太戊宋景公皆修德立言

而妖變為福陛下以日月薄蝕勞謙惕厲而
災不勝德雲為垂陰若天降衷使其謫不見
易象曰既憂之咎不長也臣^等無任欣戴之至

賀潞州芝草嘉禾表

臣某等言臣伏見陳鄭澤潞隴右節度使奏
潞州使院行軍司馬裴政廳梁柱上生紫芝
草七莖長子縣厚載鄉生嘉禾兩莖同一穗
者臣聞靈芝嘉禾太平之瑞昔在周漢嘗表
休徵當時福應病如影响今庶政方乂而二

瑞荐臻是天降殊祥用彰有德豈非陛下寶
持慈儉輯柔遠邇克俾天下和平當如周漢
之盛乎神祇景貺實甚昭晰彼唐叔之猷與
齊房之歌明德所感古今同契臣無任

諫表

臣某言伏見陛下屢發德音招延獻納使左
右侍臣得直言極諫忠謇者無不聽狂訐者
無不容又辛丑詔書詔裴冕崔渙等十有三
人集賢殿待制以備詢事考言之盛一作問

此並五帝之盛德也而臣以目睹生則幸矣
然頃者陛下雖容其直而不錄其言進匭上
封者大抵皆事寢不報書而不下但有容諫
之名竟無聽諫之實遂使諫者稍稍自引鉗
口就列飽食偷安相詔為祿仕此忠鯁之士
所以竊歎而臣亦耻之十室之邑必有忠信
如孔丘者况以朝廷之大卿大夫之衆而陛
下選受之精假令不能如文王之多士堯舜
之比屋其中豈不有溫故知新可使懋陳政

要而億則屢中者乎陛下惟虛存其儀令條
奏不曠及議政之際曾不採其一說堯之疇
咨禹之昌言豈若是耶昔堯設謗木于五達
之衢孔子亦曰以能問于不能以多問于寡
又曰丘也幸苟有過人必知之然則多聞闕
疑不耻下問聖人之心也臣不勝犬願願陛
下誠以堯孔為心日降清問啓其弘謨不可
者罷之可者議之于朝與執事者共之知之
必言言之必行行之必公則君臣無私論朝

庭無私政天下無私是陛下以此辨可否于
獻替而建太平之階可也况國体乎自師興
不息十年矣萬姓之生產空于杼軸擁兵者
第館画街陌奴婢厭酒肉而貧人羸餓就役
剥床及膚長安城中白晝椎剽京兆尹不敢
詰加以官亂戕廢將墮卒暴百撥墮刺如紛
麻沸粥百姓不敢訴于有司有司不敢聞于
天聽士庶茹毒飲痛窮而莫告今其心顛顛
獨指梅望于麥麥不登則易子穀骨可跂而

待眠于焚薪之上豈危于此陛下不以此時軫
薄水朽索之念厲精更始思所以救之之術
忍令宗廟有累卵之危百姓悼心而失圖臣
竇惧焉及去歲十二月丁巳夜中星隕如雨
昨者清明降霜三月苦熱寒暑氣候錯綜顛
倒疹倒莫大焉豈下凌上替怨讟之氣焰以取
之耶不然天意之丁寧譴誡以是警陛下陛下宜
反躬罪己旁求賢良者而師友之黜棄貪佞
不肖而竊位者下哀痛之詔去天下疥疾苦

廢無用之官罷不急之費禁止暴兵節用愛
人罔使宦官亂國政佞言敗厥度兢兢乾乾
以徼福于上下必能使天誠感而神心應反
妖災以為和氣彼大戊桑穀宋景熒惑焉足
為陛下道哉臣一昨陳奏請減江淮山南等
諸道兵馬以贍國用陛下初不以臣言為愚
妄許當施行然及今竟未有沛然之詔臣竊
遲之今天下惟朔方隴西有吐蕃僕固之虞
邠涇鳳翔等兵足當之矣自此而往東洎海

南南至番禺西盡巴蜀萬里無鼠竊之盜已積歲矣而兵不為之解傾天下之貨竭天下之穀以給不用之兵軍而為無竭之費臣不知其故假令居安思危用備不虞自可于阨要之地少置屯禦餘悉休之以其糧儲靡履之資充疲人貢賦歲可以減國賦之半陛下豈逢疑于改作遂巡于舊貫使大議有所壅而率土之患日甚一日是益其弊而厚其疾也臣竊惑焉夫療癰者必決之使潰今兵之為

患患猶癰也不以漸戢之其害滋大矣大矣失此不之圖必力倍而功寡豈周易不俟終日之義歟伏惟圖其始而要其終天下幸甚臣無任懇款之至

為李給事讓起復尚書左丞兼御史大夫第二表

草土臣某言臣昨以哀瘝愚懇昧死上陳冀回日月之光曲念蝼蟻之志伏奉丁酉詔報未蒙矜允捧讀聖書五情隕絕臣某中謝臣伏

以適四方宣王命之任必擇職位素貴問望
炳著學能專對才有餘力者以充其選臣以
宗室末屬妄荷寵命惟才與智俱不如人况
今衰羸殘喘加以病苦支離沉瘵歷夏及秋
終日不過一食不杖不能自起自料若力疾
祇命適數千里雖欲自強必中道委頓璽書
詔旨廢失是憂臣伏見廣德二年七月赦書
罷天下起復之官許終喪禮此陛下孝德過
于兩^漢然渙汗之發率土沾霈豈獨令臣隔在

赦外又尚書右丞會府之樞轄御史大夫天
下之繩準宣慰巡檢朝廷之大寄今臣授此
三職而起復為名因臣過舉破陛下法令使
百寮師師何以取則臣夙遭不造俗生人之
艱官始一命先臣棄背慈母鞠育至于成立
遭罹二京覆沒弱弟以宗室見害臣惇然茹
痛獨恃板輿備嘗險阻冀及榮養逸擢掖垣
慈顏違代罔極之痛終天莫追今靈筵未塵
坟土尚濕遽令臣荷金印之寵處皇華之榮

使纒帷廓然奠祭無主此恒情之所不忍也
陛下其忍之乎伏乞以聖慈曲憐皇明下照
矜臣疋瘵察臣不逮更擇時彥授之使戕許
臣得以羸骸終其喪紀實天地之施鐘于臣
身倘殘魂未滅朽質可委誓當摩頂至踵以
答聖造臣無任哀瘵懇迫之至

勅卿朝廷雅望宗室良才爰自居喪頗聞
過禮將宣國命允藉親賢舉其叔道之文
以申必行之旨載循來表具悉哀誠宜抑

情亟奉公佇御恤以從政即宜斷表也

第三表

草土臣某言臣再以微誠伏闕請命綸言屢
降天聽未回仰戴聖情俯循哀穢悲懼交迫
悼心失圖臣某中謝臣才能不及中人且未
嘗有毫髮勲効陛下不以臣不肖特降殊私
授以駟馳之任賜以親賢之目臣且匍匐奉
詔戮力將命寧敢矯禮為名以讓自飾願臣
羸瘵奄奄行步支離力有所不任用有所不

逮風憲重任也。宣撫大典也。誠恐以疾墜王
命。隕使。朕負陛下所舉以重臣之罪。方今濟
濟多士。盈于朝列。陛下捨而不用。而拔臣于
苦廬之中。必以臣智識為小有可採。臣之他
日猶不如人。况今。尪劣餘息。方寸紊矣。焉能
為陛下震揚休命。覽觀風俗。竊自惟忖。知不
勝任。是以拳然丹誠。猶冀識察陛下仁聖孝
德。錫類海內。豈令善貸不霑。臣身敢希殊造。
俯遂微忱。則死之日。生之年也。臣無任哀懼之至。

第四表

臣某言。昨臣以衰瘵。叨奉恩私。封章三上。不
蒙矜允。猥以羸蕭之盾。謬銜出疆之命。賴陛
下威靈。免貽舛責。復得待罪朝闕。許守几筵。
仰荷天慈。俯慙靈祐。臣其中謝。頃陛下不以
臣駑蹇。特加寵渥。者豈非知臣。臣屬忝宗盟。
曾奉使河朔。謂能闡揚天旨。懷柔遠方。而尚
書省材賢如林。庶政必舉。陛下垂拱。群臣等
職固不假。臣以區區之力。重尸者。闡明矣。今

將命既復本職未解敢恃皇眷輒復陳乞臣
榮然在疚獨無兄弟荼毒日淺創鉅痛甚且
又瘵病四體支離榮遇人之所欲力有不任
名敢虛受此臣所由拳拳不已有望于陛下
也臣伏以三年之喪未足申罔極之恩先王
制禮以節人情臣在喪未踰一年奉使已歷
三月若又假國家名器食陛下祿俸是臣亡
母于臣有終身之愛而臣于亡母無數月之
服先聖以孝感為號陛下以孝德格天下錫

類之恩宜及海內今寵命一降使臣有不孝
之目子而不孝如臣不忠不孝人所當弃豈
足為陛下搢持綱轄彌綸憲章臣之頑固猶
知不可况天下僉論朝廷公議乎伏願許臣
免官遂臣私志倘終喪紀尚有餘息誓當摩
頂粉骨以答殊恩臣無任

第五表

臣某言臣去十一月某日又詣銀臺門上表
陳情至今積旬未奉恩旨屏營無地哀惶疾

心臣某中謝臣蕞爾朽質叨奉明恩違天固
辭豈不知罪實由特陛下蒸之德故敢守
臣子區々之意伏以忠孝之道禮生于情資
親事君愛敬同等臣生處聖代齒力未衰致
身日長効節途遠獨慈親違棄永往莫追先
王制禮居喪之紀有限昊天不弔欲報之德
罔極而今茹痛緘哀冒寵于貴雖欲勉從
事使臣何以為心蓋三年之喪金革無避自
魯公伯禽晉襄公始也實以徐戎秦師之役

有為為之非是則否故孔子對子夏問曰以
三年之喪從利者吾不知也今朝無徐秦之
難臣以^非金革之任竊陛下名器是從利于喪
也食稻衣錦之責捨臣誰歸凡曲全萬物使
不失性天地之仁也鞠育嫗煦知寒熱疾痛
父母之慈也兼而有之明君之惠也臣是以
又持悃款昧死上言竊希天父之恩不奪臣
子之志泣血待命惟祈陛下得省察焉臣無
任

第六表

臣頓首昧死詣闕累陳情狀肝胆悉以披露
懇誠冀蒙識察于今浹辰德音不下竇由臣
詞淺意陋無以動天哀惶失圖跼蹐無地臣
某中謝臣雖親忝葭莩才實駑鈍位忽過量
恩亦加等宜竭精力仰酬造化豈敢飾讓自
言企禮願望嘗聞上有至仁之君下無失性
之人陛下以蒸聖德格于上下故哀之孝思
敢辭榮祿陛下豈忍抑其微誠假令臣損

情變禮陳力就列亦猶雙鳧乘雁何補江海
况敢貪不次之寵遺罔極之報因喪從利以
哀為榮此臣所以屢黷天威望迴宸聽懇至
之願形于累表拳然待命惟聖慈察之臣無任

第七表 謝晚起復表

臣某言伏奉某日批勅矜臣荒繆之情許以
殘喘終喪使奉九筵獲展哀報陛下誕敷五
教博叙九族以臣屬忝枝葉哀纏蓼莪恤以
皇慈使及于禮天地之意曲全人歆日月迴

照下及苦廬伏讀詔書感懼交集仰戴聖造
若蚤負山屏營瞻奉惶懼隕越臣無任衰戴之至

為譙郡唐太守賀赦表

臣某言伏奉二月五日制書大赦天下喜氣動
天榮光被物百神踴躍衆庶悅豫臣某中謝
臣聞大道所寶莫先于慈聖人之德無以加
孝陛下執大象以御物不得已而用兵假一
戎之威為萬物戡難再造區宇以康黎元慈
之至也纂服配天不失舊物然後增鴻名以

嚴父正榮號以恭己元：本：尊：親：孝
之大也猶慮物有不遂其性政有不阜于俗
弘肆青之恩與天下更始滌瑕蕩穢燭幽及
微風行物表鏡照海內雷作而萬戶振蟄網
開而三面鳥飛陽春無私品物何幸臣位忝
邦守預沐涯恩無任抃躍之至

毘陵集卷五目

表下 十三首

唐 獨孤及 至之

為張濠州謝上表

為江淮都統賀田神功平劉展表

為杭州李使君論李藏用杭州功表

為江淮都統使奏破劉展兵捷書

為江東節度使奏破餘姚草賊龔厲捷

音書表

五卷

旦

為張洪州謝上表

為獨孤中丞謝天長節進鏡表

為獨孤中丞謝讓官爵表

為獨孤中丞賜紫衣銀盤謝表

謝濠州刺史表

謝奉命舒州刺史兼加朝散大夫官

表

謝加司封郎中賜紫金魚袋表

謝常州刺史表

常州奏甘露降松樹表

毘陵集卷之五

朝散大夫使持節常州諸軍事守
常州刺史賜紫金魚袋獨孤及

表

為張濠州謝上表

在前卷末

臣沐言頃陷身凶族待罪黃沙戮社鷲鼓聒
臣之分陛下照臣以日月之光察其微忱拔
臣于縲洩之中授以專城今日餘生實聖朝
所賜寵章榮命豈賤臣之心碎首粉骨未足

卷天造今以某月某日到濠州上訖謹當竭力
官守正身率下勉勵苦節綏安疲人奠立犬
馬之誠或申絲髮之効無任感懼之至附表
陳謝
以聞

為江淮都統賀田神功平劉展表 上元二年

臣某言得田神功等狀稱官軍以正月二十
六日過江大破賊衆擒元惡于蒜山之下凶
殘撲滅江界無事臣某誠歡誠喜頓首臣聞
四時成歲秋為司殺故聖人則之以作五兵蓋

奸宄賊寇或乘釁而起則干戈孤矢亦有時
而用自陛下率遏亂畧再造區宇挽搶旬時始竹
破瓦解蕞爾狂狡敢干天誅作為長蛇荐食
江漢乃矯誣我天命攘竊我王師暴殄我城
邑傲擾我邊鄙荆吳之人若墜泉谷萬姓業
業奔走無所陛下神聽不側睿筭無方將欲
擒之必固縱之先侈其心而後厚其毒然後制
勝兩楹之下授畧千里之外使神功等一戰
而陷陣再戰而逐北三戰而擒其渠魁繫頸

以索覆巢傾穴刮野掃地如冽風之破駭浪
嚴霜之隕落葉決辰之內平揚州定淮南下
朱方收三吳流亡者復故業塗炭者返壽域
扇以皇風與之更始遂令東土耆老復見漢
官威儀非陛下乃武乃文之鴻烈日用不知
之玄化孰能陰隲聖功如此其速無任慶抃之至
始為杭州李使君論李藏用杭州功表
臣某言臣聞當逆賊劉展擁兵過江之日變
起倉卒鋒不可當人心動搖物情危駭五道

節制望風潰散自淮而南至于海隅遂無敢
保一城能守一節者惟少府少監李藏用以
宗室近屬憂國如家臨危抗憤忠勇奮發收
聚散卒糾合義師挺身履險出萬死一生之
地與賊轉戰堅守蘇州相持經月殺獲過當
使竟徒逆黨鋒銳挫衄自此王師載張賊衆
知懼後其後以外援不至衆寡懸絕遂移師就險
退保杭州當此時江淮諸軍已散平盧之師
未至三分全吳賊有其二藏用且募且戰獨

守孤城以忠義感激令驍雄樂用旬月之內
致死士三千賊遣偽將張景超孫待封等盡
銳率衆分道來攻藏用與將士等戮力一心
義形于色殊死決戰奮不顧身遂能兵鋒所
加無不摧陷皆一舉盡敵覆而屠之前後俘
斬虜獲至數萬計向使微夫人之力扞此州
之境則江介土宇盡為戎疆海隅蒼生非復
我有由是浙江之外南至閩嶺士庶免有波
迸道路窮寇不敢搪揆哭藩籬屏息風波晏然

百姓樂業父不喪子兄不哭弟藏用之功也
今都統使停本職已罷孤軍無主莫知適從
將士嗷嗷未有所隸天聽高邈無人為言遂
使殊勲見委忠節未錄口不言賞賞亦不及
伏恐非聖朝表有德旌有功之意今遂逆寇
雖爾人心猶携山洞海島往往結聚睦州草
窳為蠹尤深惟憚藏用之兵是以未敢進逼
若此軍一散必羣盜交侵則臣此州危亡是
懼伏望早降恩旨以答其勤錫之勲策心委之戎

政俾搃統所領以鎮遏江表實江東萬姓顯
顯之望艱難之際人多二心以宗子維城智
勇如此必能使寇賊奸究不敢伺間隙則江
淮足以高枕而卧陛下可無東顧之憂臣屬
忝葭莩任居牧守安危之分臣實預焉臣無
任懇款之至

為江淮都統使奏破劉展兵捷書表

臣聞聖人之生不能使大盜不起唐堯之代
時則有四凶在列王制所以誅不恪討不庭

小者帝朝大者原野奸宄草竊何代無之劉
展苞藏禍心為日固久敢肆奸慝乘間阻兵
長駟堯徒掩臣未備以偽言亂眾謂天命在
已于是有豕食淮泗鯨吞荆吳之心使黎庶
掩越人神憤怒臣職司靖難敢不戮力當憑
廟畧以弭寇讐謹遣副使少府少監揖侍御
史李藏用屯兵杭州伺隙進討且分處隘害
以遏其搪揆賊眾扭于初役師輕而驕不虞
我軍能折其銳也乃以今月三日使其偽將

軍張幹朱法雲等領步卒七千馬軍六百徑
入杭州東門燒焚閭閻鼓譟而進藏用引其
精卒設伏于途羸師張之使入死地然後整
堂堂之陣以薄其壘使左廂兵馬使潭州長
史李澄^為右軍左^第一將張崑光先鋒將李強李
陵等佐之都押衙高幹為右軍左押衙楊履
和都虞侯魏守寂佐之左^第二將皇甫山栖左
三將梁朝康承寂左四將吳季之李楚玉^顏光
胤等督游軍之騎以彌縫其闕表裏合戰奇

正夾攻以將帥之餘勇因黎元之積憤奮皆
敢死登必爭先赤羽交而三軍風生金鼓鳴
而萬夫氣作自卯至午覆而散之神^扶持電^掃怛
雷落山破唯類無餘隻車莫返鋒鏑之血朱
殷長江甲崇齊山屍作京觀寶賴陛下聰明
齊聖與日月合故能慮圖發于樽俎而威靈
加于遠方臣等盡敵如拾芥成功如指掌惡
氣沴侵掃蕩無日海隅蒼生比屋何幸臣無
任慶快之至

為江東節度使破餘姚草賊龔厲捷音

奏

臣聞皇天分時秋為司殺王者立極兵為禁
暴唐虞有共工苗人之患殷周有鬼方昆夷
之戰蓋蠻夷猾夏自古有之自頃胡寇作逆
吳越震恐龔厲父子乘間兵劫明州之人畧
餘姚之地負阻海口憑陵江干蟻聚偷安蚕
食分給屬王師北伐未遑南征逮茲二寇侵
掠益甚將擬復東甌故地窺南越僭迹邊邑

黎庶為之騷然臣方荷推轂之寄懷盡敵之
計思所以扶乘天威圖制遠畧料其貪而無
整勇而無剛鳥散獸聚不足當堂堂之陣山
潛海隱不足用桓桓之師難以力制易以計
滅臣遂遣軍將潘景蘭領輜馱數十輩偽為
商旅傍山谷往來以餌之又遣軍將呂道光
領拍_{音力}搏_{音力}手一百人取其便道為伏以待之遣
軍將左璋率弩手一百五十人為左翼軍將
余能變率弩手一百五十人為右翼皆三

吳良家百越勁卒爭賈餘勇樂于公戰遂頭
突髮焮騎火烈相為輔車夾敵之路又遣軍
將張思覽率拍刀手一百人為中軍操中權
之制至以節其進退以三月二十九日至青烟
洞口果如臣策賊遂出山先者遇伏鼓譟合
戰于是奇正畢舉四軍夾攻賊衆奪氣不知
所守鳴鞀雷動飛鏑雨集轉戰四十里殺其
三百餘人龔厲尚稽天誅且偷畧刻收合餘
燼八九十人更登高堙背山借勢張思覽等

連弩亂發引軍合戰天聲揚而勇士勵銳氣
作而妖星隕遂斬元克父子擒其妻孥餘黨
僵仆原隰脂膏草芥猶恐蔣潢翳蒼尚有伏
奸遂攬山搜谷刮野掃地傾其巢窟返旆而
旋累載逋誅一朝撲滅非陛下聖謨神策與天
合契制勝兩楹加威四海則安能剪豺狼
如拉朽掃摠捨如拾芥使吳越入安江漢澄
廓臣受鉞未幾覩茲成功無任慶快之至謹
差揖福州泉州山府別將左璋奉捷書以聞并

齊逆賊父子頭奉獻伏望懸之藁街以示百
姓其餘首級于當州梟示訖所獲賊物各令
分賞將士噐械官收山海餘祇自取誅滅既
非強敵不足叙功謹錄奏聞

為張洪州謝上表

臣某言伏奉某月日勅除臣使持節都督洪
州諸軍事洪州刺史充洪撫等七州都防禦
觀察等使臣才不知人位忽過量仰戴天造
兢兢自失臣某誠惶誠恐頓首頓首臣往歲

祿山以盜泉飲臣臣受左袵之辱而不能死
陛下以鴻私活臣臣荷乾坤之施而不能答
徒竊寵祿三典藩郡至如俗阜不擾人或小
康此實堯風被物比屋日用敢貪天功以為
己力不謂陛下獎勵是務以臣為勤自春徂
秋凡三錫命九州之伯臣忝其一况豫章重
鎮荆揚奧區五嶺控其南九江在其北連帥
所統安危是繫分憂之寄豈臣足當負荷恩
輝懼殞越于下今以某月日到所部上訖謹

當靖恭守位夙夜在公宣皇猷以導風俗伏
天威以訓師旅庶以四境無虞百姓輯睦為
報力不足則繼之以死臣之分也敢有三事
臣無任感戴喜懼之至

為獨孤中丞天長節進鏡表

臣某言臣仕于太上聖皇之朝蚤蒙寵秩位
至部竹任兼干城摩頂至踵皆聖^皇所錫陛下
又不以臣菲薄加臣憲威殊私降臨榮命
重疊臣頃雖罄誠竭節竟未能夷凶靜難思

所以仰酬天造緬邈無階以去年五月五日
于淮陽鑄上件鏡欲獻之行在為聖皇壽奠
申犬馬之意臣子之心屬豺狼熾^方道路艱阻
懇願空積上達無由今宸極正而乾坤貞觀
驚塵收而日月開朗當白露盛序之秋是黃
河澄清之日臣幸逢佳節願展微忱誠謹遣
某乙進上件二鏡一獻聖皇一獻陛下輒以
愚懇上續聖壽臣伏以聖皇報契垂化有如
金玉之~~盛~~陛下時乘馭天騁飛龍于國步臣

故以金龍飾鏡以表聖德伏冀纖塵莫翳朗
鑒常懸掛仙臺而如日之升含物而無私不照
而臣之肝胆亦庶呈于此輕黷宸宸戰越交深臣無任

為獨孤中丞讓官爵表

臣聞任非其賢則負乘之寇至寵過于分則
尸素之患生所以建官者必惟賢是擇就列者
亦量力而處臣幸以駑蹇遭逢盛明頃當遏
亂之日謬以專城見委雖然嘗胆歷年未有以
報國陛下獎臣微効驟加崇班以熟憲剖符

之職兼推轂授鉞之寄位至十連澤及三族
臣豈不知踰涯越分冒寵叨榮頌凶党尚存
王師未戰當聖主宵衣之日非臣子釋負之
秋是以勉勵疲朽不敢陳讓然爾來竟未能
奮一奇展一策掃蕩寇賊仰酬恩私而事乖
誠願又加風疾無功而當厚賞抱病而處大
藩尸位曠職臣竇增懼今聞大軍長驅已濟
河圍鄴祇氛沴氣朝暮廓清聖朝方當橐弓
矢而休牛馬搜俊人以脩鴛鴦豈臣菲薄之

負疲蕭之身所宜猶握兵要仍居寵秩使上

黷朝倫下速官謗以臣固陋猶知其不可况

陛下聖心乎伏乞特降睿慈矜臣疋察許臣停官

養疾而避其賢良則悽悽餘生于茲幸甚臣無任感戴之至

為獨孤中丞賜紫衣銀盤碗謝表

臣某言今月十九日越州長史盧漸至伏奉

某月日勅書特賜慰勞至深御札降臨自天

二十三日中使劉光俊至又奉宣口勅賜臣

衣一副銀盤碗等各一兼百索一筒紫衣十

副分賜用命將士端五續命推心而澤流萬

里頒賜而慶及三軍臣等捧戴恩渥殞越是

懼臣某誠惶誠恐頓首頓首臣拔自周行見

委戎律受金鉞分竹符荷天之寵歲一周矣


竟未能虔奉廟畧誅鋤殘寇使邊烽尚燃虜

馬未却臣之罪也陛下不以臣官非其據任

重于力而驟降殊榮累加厚賜天文下屬而

星辰爛宸翰俯臨而烟雲動况盤盂器用章

服繒綵賜臣為壽施及行間投醪之恩未足



原件短缺

言醉挾纊之德曾何喻暖臣等雖勉勵忠勤
誓清塵霧然絲髮之効未展雨露之渥亟加
揣分循涯臣懼深矣謹當宣皇恩以勵將帥
奉師律以練甲兵使江漢無虞士卒知訓然
後畢力殄寇以答鴻私臣無任

謝濠州刺史表

臣及言臣伏奉今年五月一日勅授臣使持
節濠州諸軍事濠州刺史臣頃待罪禮官備
位卽署賊曠無補增懼且愧陛下不以臣愚

擢居二千石之列今之刺史古之諸侯州人
安否係在一吏臣非其才無以稱旨奉詔之
日懼又甚焉以閏六月十二日到所部上訖
唯當奉宣聖猷竭誠師下瞻恋天造酬効無
階無任喜懼之至

謝舒州刺史兼加朝散大夫表

臣及言臣奉七月十八日勅加臣朝散大夫
使持節舒州諸軍事舒州刺史克當州宇提
使兼知淮南岸當界綠江賊盜等臣典濠州

無政可紀人幸不擾時和所致流者稍復年
登之力臣敢貪此以為已能陛下過聽驟降
殊獎既增之秩又命以服無德受賞媿孰
甚焉仰戴皇渥且榮且懼今以九月二十七
日到州上訖經積年寇盜瘡痍之後百姓流
竄十不存臣已以奉宣聖慈與之休息勞來鰥
寡薄其徭賦是以招携亡者撫柔存者庶經歲之
後頗或安集非田能爾唯以冀竭力焉臣無
任

謝加司封郎中賜紫金魚袋表

臣及言伏奉三月一日勅加臣檢校司封郎
中使持節舒州諸軍事兼舒州刺史充當州
團練守捉使仍知淮南岸當界綠江賊盜賜
紫金魚袋殊榮厚渥錄鍾臣身且喜且駭以媿
以懼臣聞堯舜建官三考黜陟漢代二千石
以循良稱者于是有璽書勞勉增秩賜金之
制臣到官始半歲賊事未有所補見在戶口
總肯地著其中鰥寡疲弱不能自存者十猶

六七徵遣征賦未嘗及期此臣政不逮力不
任之効獲宥罪戾幸固深矣豈謂皇恩驟降
復以古典命臣命加位授服寵過臣量伏讀詔
旨懼孰大焉此則古荆舒之地詩人懲其剽
輕復當賊寇虔劉比屋流亡之後其人心已
難安易動况加徭役稅歛日不獲已緩之則
驕急之則散輯柔底綏之道猶非愚臣所及
伏思夙夜勉勵力安斯人省事以慰其愁示
信以杜其諍亦冀俗稍務本人漸足食使貢

賦之入歲增月長三歲大比以版圖歸于有
司犬馬之心也敢有貳事臣無任感戴之至

謝常州刺史表

臣及言臣伏奉去年十二月二十三日勅授
臣使持節常州刺史充常州團練守捉使臣
伏以江東之州常州為大陸下不以臣不肖
拔臣於羣吏之中以考則年未久以勞則功
無可錄而除拜之次加于人一等臣及誠惶
誠恐頓首頓首臣往歲嘗忝諫官歷博士尚

書即之秩雖備嘗獻納累黷天聽竟無絲髮
裨補明盛及典濠舒二州出入七年又不能
副陛下政平訟息與我共此之嘆至如流人
自占旱不為災實由陛下當勤卹之切初下哀
痛之詔寬減租稅入三分之二是以和氣傍
感災變為福福流臣州人是以人臣寧敢貪
天之功以為己力今陛下賜臣詔曰斷獄歲
減流庸日歸以人俗之豐給當淮湖之災旱
陟爾明効宜列中朝臣無其實謬奉殊獎伏

覽聖旨惶悚墮越况陛下屬精百揆之始日
以堯吁舜咨傍求俊造或經時不除一吏除
必以公才為先苟非其人位不虛授措紳之
輦備幸望絕臣當如此獨荷榮寄人之多幸
將自臣始致寇速欽謗實憂自貽今以三月十
七日到州上訖雖願欽勵疲鈍增修吏職懼力
不逮上累皇明奉詔夕惕且慙且駭無任感戴喜懼之至

常州秦甘露降表

臣及言臣州內廳東階下二松樹自今年十

月十三日夜至今月十八日夜前後二十七
度甘露下降樹根枝樹葉沾洒皆遍潔白凝
沍味同飴蜜餘沍滴地委積成泥傾州官吏
咸共榮觀臣謹按鶚冠子云聖王之德上及
太清下及萬靈則甘露下瑞應圖曰王者德
至于天則甘露降松柏陛下實行慈儉懷柔
遠近無為之政與太古同風故天地氣和合
而呈瑞况休徵感應之始當陛下降生之日
皇符昭晰天意炳煥盖表聖壽寶曆將與天

比崇臣為州三年無績可紀疲朽何幸日覩
禎祥臣無任喜忭之至謹奉表以聞伏望宣
付史館

毘陵集卷六目

議九首

唐 獨孤及 至之

景皇帝配昊天上帝議

故太保贈太師韓國苗公晉卿謚議

故御史中丞盧奕謚議

故御史中丞郭知運謚議并酬答三首

衛如後詳載

又

又

故江陵尹兼御史大夫呂誼謚議并

剛卷三首

又

行狀一首

唐故尚書祠部員外郎贈陝西刺史

裴公行狀

又

毘陵集卷之六

朝散大夫使持節常州諸軍事守

常州刺史賜紫金魚袋獨孤及

議

景皇帝配昊天上帝議

謹按禮經王者禘其祖之所自出以其祖配

之凡受命始封之君皆為太祖繼太祖以下

六廟則以親盡迭毀于而太祖之廟雖百代不

遷此五帝三王所以尊祖敬宗也故受命于

神宗禹也而夏后氏祖顓頊而郊鯀續禹黜
夏湯也而殷人郊饗而祖契革命作周武王
也而周人郊稷而祖文王則明自古必以首
封之君配昊天上帝惟漢氏崛起豐沛豐公太公
皆無位無功德而不可以為祖宗故漢以高皇帝
為太祖其先細微故也非足為後代法伏惟
太祖景皇帝以柱國之任翼周弼魏肇啓王業
建封于唐高祖因之遂以為有天下之號天
所命也亦猶契之封商后稷之封邠禘郊宗

祖之位宜在百代不遷之典郊祀太祖宗祀
高祖猶周之祖文王而宗武王也今若以高
祖創業當躋其祀是弃三代之令典遵漢氏
之末制黜景皇帝之大業同于豐公太公之
不祀返古違道罪孰甚焉夫追尊景皇帝帝號
太祖高祖太宗所以崇尊尊之禮也時更七
聖載經二百名臣碩儒備經討論未嘗有猷
同異于宗廟今將議其全典變更先聖制度
曷知其可若配天之位既易則太祖之號宜

廢祀之不修，廟亦當毀。尊祖報本之道，宜墜其于地乎？漢制擅議宗廟，以大不敬論。今武德貞觀之憲，章未改。國家方將敬祀，以和神禘人郊之間，恐非所宜言。謹稽禮文，參諸夏殷周漢故事，配饗天帝之制，請仍舊典，謹議。

故太保贈太師韓國苗公謚議

太師稟天純懿，為唐股肱。兩朝當國，庶績惟允。論道賦政，送往事君。協恭秉彛，動罔違德。惠和以懋其事，明哲以保其身。昔嘗懸衡九

州，剖竹四郡。刀尺之下，無滯用；襦袴之間，無貧人。洛陽居守，東夏輯睦。天寶之季，二京為戒。皇輿西狩，億兆左袵。太師踐危機，不易心處。橫潰不忘國，奪身拔跡于豺狼之口。道不汙而節不奪，忠之大者。至德乾德元年中，天下多故。皇綱未張，肅宗循漢宣故事，用刑名繩

下。而太師以曾參為師，持清淨守，耿勵翼王。度將順事，典人亦寧。一厥猷茂，焉能知人能官。人慎選，乃僚言刈其楚。至有拔羣萃而

取公器不五六年比肩袞職者光映策府當代
榮之漢史稱胡廣與故吏陳蕃並為三司太
師有焉夫九德咸事寬之為首百工惟時能
哲其惠宜其享天眉壽為國元老古者生以
行觀其志沒以謚揚其名謚之美惡視行之
大小後代或三字以表其德貞惠文子是也
或二字以彰善懿文終侯苗文成侯是也蓋
其績大名盛則禮優謚崇太師德冠播神位
侔周召將加誅謚之制宜以懿晉為准謹按

大戴禮体和居中曰懿文賢有成曰猷稽千
載之令典合二名以配德請謚曰懿猷臣某
謹議

故御史中丞盧奕謚議時任太常博士

盧奕剛毅朴忠直方而清勵精吏事所居可
紀天寶十四載洛陽覆沒于時東周人士狼
狽鹿駭猛武磨牙而爭其肉居位者皆歆保
性命而完妻子或先策高足爭脫羿彀或不
耻苟活其飲盜泉奕獨正身守位義不去以

死全節誓不辱勢窘力屈以朝服就執猶慨慷
憤數賊梟獍之罪觀者股慄奕不變色其西辭向而
君然後受害雖古烈士方之者鮮矣或曰洛
陽之存亡搃兵者實任其咎非執法吏所能
抗師敗將奔去之可也委身寇仇以死誰懟
及以為不然勇者禦而忠者守必社稷是衛
則生死以之危而去之是智免也忠于何有
盖苟息殺身于晉不食其言也仲由結纓于
衛不避其難也玄冥勤其官而死水守位而

忘體也伯姬待保姆而火死先禮而後身也
彼四人者死之日皆于事無補夫豈愛死而
賈禍也以為身死輕于義故蹈死而捐生古
人書之使事君者勸然則祿山之乱大于里
克孔惺廉察之任切于玄冥之官分命所繫不
啻保姆逆黨兵威烈于水火于斯時也能與
執干戈者同其戮力挽之不來推之不去豈
不以師可虧免義不可苟身可殺節不可奪故
全其操持于白刃之下耶孰與夫懷安偷生

者同其風哉謹按謚法圖國忘身曰貞秉德
遵業曰烈奕執憲戎馬之間志蕃王室可謂
圖國危不能救而繼之以死可謂忘死歷官
十一任言必正事必果而清節不撓去之若
始至可謂秉德先時黃門以直道佐時奕嗣
之以忠純可謂遵業請謚曰貞烈謹議

故左武衛大將軍持節隴右節度經畧
大使兼鴻臚卿御史中丞贈涼州都
督太原郡開國公郭知運謚議

博士獨孤及議曰郭知運驍勇有謀善用兵
起行間為唐上將當時唐興百餘載矣天下
充富太倉有二十年之畜玄宗循漢武故事
方銳意拓土知運適與時會遂乘天威奮其
材力敢與虜确故能破默啜可汗以靖其北
庭敗吐蕃誅康待賓礮砥以西烽火為息慰
薦麾下吏士任必才^以徃徃超倫績用茂着王

君象以果勇代處分闡之寄牛仙客出將入
相^以清幹信謹稱斯文又獎拔之明也當時者

謂知運與郭虔瓘王駿薛訥並為中興名將
至今隴上將士思之或有起祠宇于故城遺
壘尸而祝之者上元中肅宗加太公望以武
成王之號知運列于配食之位則是勲伐事
業宜有以美稱易其名者謹按謚法服叛懷
遠曰威易曰厥孚威如繫辭曰弧矢之利以威
天下虞書曰董之用威傳曰非威非懷何以
示德則威者聖人所以佐仁義以濟天下者
也施于名號可以表將帥之德請謚知運曰

威謹議

附崔厦駁議

左司負外郎崔厦議曰郭知運承恩詔葬向
五十年今請易名竊恐非禮謹按禮經云禮
時為大又曰過時不為禮也昔衛公叔文子
卒將葬其子成請謚于君曰日月有時將葬
矣請易其名者蓋時不可踰也節度既名不
浮行數紀之間前門生故吏已合謀謚今乃
申請竊將有為而作節度嗣子美英又頃屬

多故屢制方隅朝廷萊勲位表端揆附從者
竊不中之禮會無妄之求况節度當開元之
初賜贈特加碑誌並建皆出恩命追悼之遇
亦已當矣今又鹵莽外于典章追送往之闕
遺啓將來之冒昧今列士者接畛專政者百
輩若率而行之誰曰無請不惟有司疲于商
牘抑恐名器等于草莽雖欲曲全竊將不可
又禮經云以孤暴貴不為父作謚若節度合
謚不以其時則嗣子廢先君之德若不合而

苟遂其志則先君因嗣子而見尊以僕射而
言之恐貽越禮之議讓以國家而言之又殊旌
善之體請下太常重議

又
博士獨孤及議曰禮時為大順次之將葬易
名時也有故闕禮追遠請謚順也假如諸侯
五月而葬魯惠公之薨也有宋師至隱公元
年十月而改葬不以踰時廢禮公孫叔戍請謚
適當葬前謹按禮經曾不言已葬則不可追

謚况帝王殊途不相沿襲新禮則死必有謚
不云日月有時今請易名者五家無非葬後
苗太師一年矣呂諲四年矣盧奕五年矣顏
真卿八年矣並荷褒寵無異同之論獨知運
其以子不幸遂以過時見抑苟必以已葬未
葬為節則八年與五年其緩一也而與殊制
無乃不可乎議云已孤暴貴不為父作謚此
謂其父無位而子居大官不當以已之貴加
榮于父也禮不云乎父為士子為大夫葬以

士禮若知運者處方面既位列九卿茂勲崇
名與衛壽侔歸終之禮宜加于他將一等豈
待因依嗣子然後作謚今之專政者雖逢風
雲化為侯王其祖父爵位與衛青侔歸終之
禮與知運齒者鮮矣奈何懼名器等于草莽
以是殺禮竊謂近誣乾元以來累有詔追
贈百官祖父内外文武具寮之先悉蒙恩錫
或音徽久沫或墓木已拱受大名貴位于九
原者以萬數未嘗以沒代遠近為限夫贈謚

一也贈者一時之寵謚者不刻之令今以歲久而廢易名是王澤泐于天下而獨隔于一人也當開元二年吐蕃以舉國之師入掠五原塞擊折之聲聞于咸雍知運與郭虔瓘討平之以張王室當時微知運則沂隴之西左衽是懼今朝廷方出將以征不服討不庭宜褒寵之以勸握兵者安可以葬久而廢大典况夫謚法者蓋考其言行事業之邪正必以字褒貶之使生者聞其美謚而慕觀惡謚而

懼不待賞罰而賢不肖皆勸是一字之謚賢于三千之刑本非為沒者之子孫以為哀榮寵贈之具假令知運無子且未嘗立勲苟位至上將則謚不可廢豈以其子之存亡為請謚之可否竊稽載籍徵諸舊章易名之禮請如前議謹議

故江陵尹兼御史大夫呂諲謚議

呂諲任職從政聰敏肅給能以才智潤歸吏道至德中與三司同鞠大獄獨引律文附會

經義而平反之當時卒用中典諍參其論在
台司齟雖無匪躬之能然平章法度守而勿
失其為荊州一年有成魏令明為其賦斂均一
物有制而事有倫大抵以威信陽主戮陳希
昂按申太芝之奸而三楚之人悅服厥功茂
焉自至德以來荷推轂受脤之寄處方面者
數十輩而將不驕卒不墮政修人和如諍者
蓋鮮豈不以人散久矣而兵未戰挹濁流難
俟清整琴絲者難為功諍當此時能以慈惠

易其疾若且訓其三軍如臂使指闔境無拔
葵噉棗之盜而楚人到于今猶歌詠之此其
才畧必有過人者雖欲勿褒之其可乎按謚法
威德克純曰肅禁暴威也愛人德也考禮議
名而擬諸形容請謚之曰肅亦名當其實也
謹議

附嚴郢議

度支負外郎嚴郢議曰伏以故相國江陵尹
兼御史大夫贈吏部尚書呂公諲昔事先朝

累曾大任至德之初天步艱難公首披荆棘
危蹕靈武忘軀進忠一日三接先朝察匪躬
之節納沃心之議爰立作相猶諧神人其嘉
謀嘉猷猷可替否之職跡入則造膝出則詭辭
溫樹不言難可得而知也至有爛寫明白款
蓋而彰者請區而載之乾元收復之際兩都
衣冠多繫于三司詔獄御史中丞崔器良議事
失入時宰相苗太師崔趙公等雖庭爭之然
未堅決公有犯無隱引經正辭上是其言刑

為之省所全活者蓋數百人明主收雷電之
威聖朝行寬大之典者賢公之力也古者進
賢受上賞書不云乎咎繇曰都在知人公踐
台衛專以推賢任人為務故相國房公瑄故
吏部尚書常公陟入登左職皆公之由今相
國黃門侍郎杜公之涖江陵也公荐在方面
之任今相國中書侍郎元公之在度支也公
資以幕府之政曾未數歲而二相接武于上
台天地交泰聖賢相得庶績咸熙五典克從

者皆公之舉善也則子皮之舉子產鮑叔之
舉管仲蕭何之舉曹參武侯之舉蔣琬方之
前人我有餘地其在荆南也戢兵和衆令行
禁止理績為天下最難雖古之羊杜無得而
踰今太常議荆南之政詳矣而曰在台司齷
齷無匪躬之能者乃扶瑕掩德之論非適中
之言也國家故事宰臣之謚皆有二字以彰
善旌德焉夫以呂公文能無害武能禁暴貞
則幹事忠則利人盛烈宏規不可備舉傳叙

八元之德曰忠肅恭懿若以美謚擬于形容
請謚呂公曰忠肅謹議

又

博士獨孤及議曰呂譔任宰相日淺當時會
肅宗躬親萬方機庶政群臣畏威奉職而已雖
有謨謀于嵩廊之下上莫由有知之者及其荆
門之政為仁由已其畧見于事其惠被于物
其風謚存乎人故得而稱之議名之際敢不
闕其所疑而錄其尤著者有司之取也其闕

實詔獄在未執政之前前議議之詳矣敢辱
再告至若推進名公使登大任既同温室之
樹且則行狀所不載孔子曰君子于其所不知
蓋闕如也故不書今奉符令必用二字且以忠
配肅謹按舊儀凡歿者之故吏得以行狀請
謚于尚書省而考行定謚則有司存廷辯可
否宜在衆議今駁議撰謚異同之說並故吏
專之伏恐亂庖人尸祝之分違公器不私之
戒且非唐虞師錫僉曰之道昔周道衰孔子

作春秋以繩當代而亂臣賊子懼謚法亦春
秋之微旨也在懲惡勸善不在哀榮在議美
惡不在字多文王伐崇周公殺三監誅淮夷
晉重耳一戰而霸諸侯武功盛矣而皆謚曰
文以冀缺之恪德臨事審俞之忠于其國隨
會之納諫不忘其師言身不失其友其文德
豈不優乎而並謚之曰武固知書法者必稱
其大而畧其細故言武不言文言文不言武
三代以下朴散禮壞乃有二字之謚二字謚

非古也其源生于衰周施及戰國之君漢興
蕭何張良霍去病霍光俱以文武大畧佐漢
致太平其事業不一謂名不足以紀其善于是
乎有文終文成景桓宣成之謚雖瀆禮甚矣
猶然褒不失人唐興參周漢之制謂魏徵以
王道佐時近文極言直極諫愛君而忘身近貞
二德並優廢一莫可故曰文貞公謂蕭瑀端
直鯁亮近貞性多猜貳近褊言褊則失其蹇
正稱貞則遺其吝狹恭一言所能名故曰貞

褊公其餘舉凡推類大抵准此皆有為之也
若跡無殊途事歸一貫則直以一字目之故

杜如晦謚成封德彝謚明王珪謚懿陳叔達

謚忠溫彥博謚恭岑文本謚憲韋巨源謚忠

魏知古謚忠崔日用謚昭其流不可悉數此

並當時赫赫以功名居宰相位者謚不過一

字不聞其子孫佐吏有以少稱屈者由此言

之二字不必為褒一字不必為貶若褒貶果

在字数則是堯舜禹湯文武成康不如周威

唐休景謚忠

烈王慎靜王也齊桓晉文不如趙武威魏安
釐秦或雍或襄楚孝烈也杜如晦王珪以下或成
或懿或顯不如蕭瑀之貞福也歷考古訓及
貞觀以來制度似皆不然今奉所議云國家
故事宰相必以二字為謚未知出何品式請
具示謹當以為按據若忠者臣事君之常道
苟靖恭于位誰則非忠非有炳然之異則不
以為謚至如議獄緩死任賢舉善德之美者
然肅者盛德或克就之名足以表之矣月令曰

孟秋天地始肅詩曰曷不肅雖又曰肅肅王
命仲山甫將之肅嚴也敬也忠之屬也天地
不肅則歲不成宗廟不肅則禮不立軍旅不
肅則人不服肅之時義大矣哉以諱之從政
也威能閑邪德可濟衆故以肅易名而忠在
其中矣亦猶隨會甯俞之不稱文豈必因而
重之然後為美魏晉以來以賈誦之籌筭賈
逵之忠壯張旣之政能程昱之智勇顧雍之
密重王渾之器量劉惔之鑒裁庾翼之志畧

彼八君子者方之東平宜無慙德死之日並
謚曰肅當代不以為貶何嘗徵一字二字之為
升降乎謹上稽前典下據甲令參之禮經而
究其行事請依前謚曰肅謹議

行狀
唐故尚書祠部員外郎贈陝州刺史裴

曾祖仁基隋光祿大夫行右光祿大夫
皇朝贈使持節都督原州諸軍事原

州刺史謚曰忠

祖行儉皇朝銀青光祿大夫禮部尚書
開喜縣開國公贈太尉揚州大都督
謚曰猷

父光庭皇朝光祿大夫侍中兼吏部
尚書正平縣開國男贈太師謚曰忠
猷

絳州聞喜縣崇慶御太平里裴積年若

干行狀

公天姿英拔德宇宏曠顯昂公器磊砢高節
武庫森戟玉山照人起家以門調補千牛備
身歷太子通事舍人太常寺主簿是時萬邦
方又獻公當國天子垂衣穆清以有天下而
袞職之闕疇咨之府公入則竭力出則匪躬
外詢輿人以脩過庭之問陰薦多士用弘審
官之選既而濟濟俊乂爛盈東閣邦之得賢
于斯為盛畫一之詩作而嘉魚之頌興公之
裕蠶也轉京兆府司錄參軍輦轂之大綱轄

之劇牒訢浩穰文墨填委公投刃餘地而大

却郤

斯批若網在條而衆目不紊談笑之隙簿

領肅如論者知逸驥之足方自此始開元十
一年獻公捐館惇然在疚哀越乎禮會執事
者醜正作福怙寵匿怨乃因喪乘釁將逞憾
于我言之如簧上亦投杼公乃銜恤進牘叫
閤抗憤危言自明至誠旁感由是宗祐垂祉
高天聽迥恩方照微神亦悔禍卒令臧孫有
加等之葬公業有不忘之嘆公之克家也服

闋授起居郎載筆赤墀書法不隱開元二十四年三庶人以罪廢事出宮闈變生飛語特壽王以母寵子愛議者頗有奪宗之嫌道路憫默朝野疑懼公乃從容請聞慷慨獻諫上述新城之殷鑒下陳戾園之元龜謂興亡之由在廢立之地天子感悟改容以謝因詔以給事中授公公曰陛下絕招諫之路為日固久今臣一言而荷殊寵則言者衆矣何以錫之上善其敏而多其讓乃止不拜尋除尚書

祠部員外郎恪居禮闈休問惟穆弘濟之畧固為已任于時搢紳高議方以青雲期公不吊昊天降此短曆開元二十九年某月日薨于第春秋若干君子謂公貂蟬之葉瑚璉之器壽不及黃耆名不登明堂天亡其未_亡狐趙之勲成宣之德也非昌其身必大于後果介繁祉才_有子四人長曰倩尚書駕部員外郎兼殿中侍御史江西道租庸鹽鈔等使次日倣尚書司勳員外郎兼殿中侍御史參中軍元

率雍王軍事次日倚殿中侍御史試萬守年
縣令季曰侑太原府榆次縣尉構廈瓌材切
玉利器價敵三虎族擬八王朝庭褒之方倚
以成務元年春建辰月肆大青命因有司錄勲
追舊于是詔贈公諫議大夫猶以禮未超倫
位不充德秋八月詔曰贈諫議大夫裴某操
履貞純器能溫敏素推雅望嘗踐清班志業
屈于當時風猷悲于既往頌其胤嗣久在周
行雖禮及前修已申追遠而恩霑後命宜有

贈榮俾高列岳之班更表重泉之歸可贈使
持節陝州刺史禮也公天機超邁雅有大畧
氣直而溫性擾而毅貞可幹事善足救物外
坦蕩豪舉朗然不羈內敦敏純固忠而能力
至若輕死重義貴身賤名視錢帛如糞土戲
公卿若草芥其于履危機臨大節則氣貫責
育勁侔風霜未嘗以得喪夷險勇介于胸臆詩
云禹明有融鵠朗令終公實有馬謂宜荷天
之休俾熾而大龍泉未試隙駟先往天乎斯

才而有斯壽今寵優以命澤及九泉已伸追
遠之恩請遵易名之典寶應二年某月日故
吏某官某謹上


又

尚書省考功 議曰夫存以行規其志沒
以謚表其德則名實不虧善惡知勸謹按故
尚書祠部員外郎贈使持節陝州刺史裴積
鼎鉉公族珪璋令名孝克負荷忠能匡臣諫宏
圖方壯利涉未息舟壑遽迁音徽已沫命官

裴德命命荷寵章考行飾終敢徵前典謹上

皇朝詩林卷之六

六



皇朝詩林卷之六
何鏞詩林卷之六
何鏞詩林卷之六
何鏞詩林卷之六
何鏞詩林卷之六

